

## Sinusuportahan na Pagtatrabaho - Pagsusubaybay

### Code ng Serbisyo ng NFOCUS

#### Sinusuportahan na Pagtatrabaho ng TBI – Pagsusubaybay 8190

### Pagpapakahulugan ng Serbisyo

Ang Sinusuportahan na Pagtatrabaho - Pagsusubaybay ay isang serbisyo para sa mga kalahok ng HCBS Traumatic Brain Injury (TBI) Waiver. Nagbibigay ito ng one-to-one na pansamantalang suporta upang matulungan ang kalahok na mapanatili ang kanilang kasalukuyang trabaho.

Kabilang sa mga serbisyo ang pagtukoy sa tagumpay ng paglalagay sa trabaho; pagbibigay ng pansamantalang suporta sa kasanayan sa lugar ng trabaho; pag-aalok ng suporta at paghikayat upang mapalago ang mga likas na suporta; at pagtulong sa kalahok sa lugar ng trabaho upang matulungan silang ipaglaban ang kanilang mga karapatan sa mga employer, katrabaho, o mga customer para sa mga layunin ng trabaho kung kinakailangan.

### Mga Kondisyon ng Pagbibigay

- A. Ang pangangailangan para sa serbisyong ito ay dapat na matukoy sa panahon ng pagsusuri ng kalahok at isama sa plano ng kalahok na nakasentro sa tao (PCP).
- B. Dapat idokumento ng PCP:
  - 1. Ang pangangailangan para sa serbisyong Sinusuportahan na Pagtatrabaho - Pagsusubaybay;
  - 2. Ang mga dahilan upang ipagpatuloy ang suporta sa pagtatrabaho;
  - 3. Ang bilang ng mga oras ng serbisyo na kailangan; at
  - 4. Ang nakasulat na plano ng mga kinalabasan para sa pagbawas at pagwawakas ng serbisyo.
- C. Ang mga tagapagbigay ay hindi maaaring magbigay ng mga serbisyo sa higit sa isang kalahok nang sabay-sabay maliban na kung iba ang nakasaad sa PCP ng kalahok.
- D. Ang tagapagbigay ay may pananagutan sa paglikha ng buwanang mga ulat ng buod na kinabibilangan ng pag-unlad, o kakulangan ng pag-unlad, at paglipat patungo sa malayang pagtatrabaho nang walang suporta. Ang tagapagbigay ay dapat gumawa ng mga ulat na naa-access sa Tagapag-ugnay ng Serbisyo.
- E. Hindi bababa sa isang buwan, susubaybayan ng Tagapag-ugnay ng Serbisyo at ng kalahok ang PCP ng kalahok. Kabilang dito ang pagsubaybay sa paggamit o hindi paggamit ng mga serbisyo ng waiver.
- F. Ang personal na pangangalaga at tulong sa mga ADL ay hindi bahagi ng serbisyong ito.
- G. Ang gawaing boluntaryo ay hindi bahagi ng serbisyo.
- H. Ang pansamantalang suporta ay maaaring ibigay sa lugar ng trabaho, malayo (remote), at sa ngalan o para sa kalahok. Maaari itong mangyari sa pamamagitan ng mga tawag sa telepono sa pagitan ng mga kawani ng tagapagbigay at ng tagapag-empleyo ng kalahok na may personal na pagsubaybay sa kalahok upang palakas in at patatagin ang paglalagay ng trabaho.
- I. Kabilang sa serbisyong ito ang mga gawain na kinakailangan upang mapanatili ang bayad na trabaho ng kalahok at idinisenyo upang mapanatili o mapaunlad ang trabaho.
- J. Ang Sinusuportahan na Pagtatrabaho - Pagsusubaybay ay hindi kabilang ang mga aktibidad na panggrupo tulad ng mga work crew; mga pulong ng serbisyo; pagsasanay ng mga kawani; mga pulong ng departamento; o anumang iba pang aktibidad na hindi partikular sa kalahok, kabilang na ang paggawa ng gawain ng provider imbis na ng kalahok.
- K. Ang isang kalahok ay dapat bayaran sa o higit sa pinakamababang pasahod, ngunit hindi mas mababa sa karaniwan na suweldo at antas ng mga benepisyo na binabayaran ng tagapag-empleyo para sa pareho o katulad na trabaho na nagawa ng isang tao na walang kapansanan.

- L. Ang Sinusuportahan na Pagtatrabaho - Pagsusubaybay ay maaaring pahintulutan sa kumbinasyon ng Community Connections at Sinusuportahan na Trabaho - Indibidwal, ngunit hindi maaaring ibigay at i-bill ang mga serbisyong ito nang sabay.
- M. Ang serbisyong ito ay hindi awtorisado sa mga oras ng klase na itinakda ng lokal na distrito ng paaralan para sa mga kalahok na karapat-dapat sa mga serbisyong pangpaaralan.
  - 1. Ang limitasyong ito ay kabilang ang lahat ng mga programang pampubliko ng edukasyon na pinondohan sa ilalim ng Individuals with Disabilities Education Act (IDEA).
  - 2. Ang mga regular na oras ng klase at araw ng pagpasok ay naaangkop sa isang kalahok na tumatanggap ng pag-aaral sa bahay.
- N. Para sa mga kalahok na may edad 18 hanggang 21 taong gulang, ang dokumentasyon ay dapat na panatilihin sa file ng kalahok na nagsasabi na ang serbisyo ay hindi magagamit sa ilalim ng isang programa na pinondohan sa ilalim ng seksyon 110 ng Rehabilitation Act of 1973 (Vocational Rehabilitation Services) o ang IDEA (20 U.S.C. 1401 at sumunod). Ang dokumentasyon ay dapat maglakip na ang kalahok ay nasa listahan ng mga naghihintay ng Serbisyong pang Bokasyonal na Rehabilitasyon, at ang serbisyo ay hindi magagamit dahil sa listahan ng mga naghihintay ng programa.
- O. Ang pinansiyal na paglahok ng pederal ay hindi maaaring hingin para sa mga pagbabayad ng insentibo, mga subsidiyo, o mga hindi kaugnay na gastos sa bokasyonal na pagsasanay tulad ng:
  - 1. Pagbabayad na ginawa sa isang tagapag-empleyo upang hikayatin o subsidyuhan ang paglahok ng tagapag-empleyo sa isang sinusuportahang programa sa pagtatrabaho;
  - 2. Pagbabayad na ipinapasa sa mga gumagamit ng sinusuportahang mga programa sa pagtatrabaho; o
  - 3. Pagbabayad para sa pagsasanay na hindi direktang kaugnay sa programa ng sinusuportahan na pagtatrabaho ng kalahok.
- P. Ang Sinusuportahan na Pagtatrabaho - Pagsusubaybay ay maaaring ibigay ng isang kamag-anak, ngunit hindi ng isang taong may legal na pananagutan sa kalahok.
- Q. Ang serbisyong ito ay hindi maaaring magpapang-abot, pumalit, o magdoble ng iba pang katulad na serbisyo na ibinibigay sa pamamagitan ng Medicaid state plan, ibang HCBS waiver na mga serbisyo, o Bokasyonal na Rehabilitasyon.
- R. Ang isang kalahok ay kailangang isangguni para sa mga serbisyo ng pang Bokasyonal na Rehabilitasyon bago mapahintulutan ang serbisyong ito ng TBI Waiver.

## Mga Kinakailangan para sa Tagapagbigay

- A. Ang lahat ng mga tagapagbigay ng mga serbisyo sa waiver ay dapat:
  - 1. Maging isang tagapagbigay ng Medicaid;
  - 2. Sumunod sa lahat ng naaangkop na mga titulo ng Nebraska Administrative Code at Pang Estadong Batas ng Nebraska;
  - 3. Sumunod sa mga pamantayan na inilarawan sa Kasunduan ng Tagapagbigay ng Serbisyo ng Sangay ng Medicaid at Pangmatagalang Pangangalaga;
  - 4. Kumpletuhin ang mga pagsasanay sa DHHS sa kahilingan; at
  - 5. Gamitin ang pangkalahatang mga pag-iingat.
- B. Ang mga tagapagbigay ng TBI Waiver ay dapat na makumpleto ang inaprubahan ng DHHS na pagsasanay sa TBI bago magbigay ng Sinusuportahan na Pagtatrabaho - Pagsusubaybay.
- C. Ang mga tagapagbigay ng Sinusuportahan na Pagtatrabaho - Pagsusubaybay ay kailangang makakuha ng sapat na impormasyon tungkol sa mga medikal at personal na pangangailangan ng bawat kalahok at obserbahan at iulat ang lahat ng pagbabago sa Tagapag-ugnay ng Serbisyo.
- D. Ang tagapagbigay ay maaaring isang indibidwal o ahensiya.
- E. Ang bawat ahensiya na tagapagbigay ay dapat:
  - 1. Mag-empleyo ng mga tauhan batay sa kanilang mga kwalipikasyon, karanasan, at napatunayang kakayahan;
  - 2. Magbigay ng pagsasanay upang matiyak na ang mga kawani ay kwalipikado upang magbigay ng kinakailangang antas ng pangangalaga;
  - 3. Sumang-ayon na ibigay ang mga plano sa pagsasanay sa DHHS; at
  - 4. Tiyakin ang sapat na availability at kalidad ng serbisyo.
- F. Ang lahat ng kawani na nagbibigay ng serbisyong ito ay dapat magkaroon ng kinakailangang edukasyon at karanasan, at magbigay ng katibayan kapag hiniling:

1. Bachelor's degree o katumbas na kurso/pagsasanay sa edukasyon, sikolohiya, gawaing panlipunan, sosyolohiya, mga serbisyong pantao, o isang kaugnay na larangan; O
  2. Magkaroon ng apat o higit pang taon ng propesyonal na karanasan sa pagbibigay ng mga serbisyong habilitative para sa mga taong may Pang-isipan o iba pang mga kapansanan sa pag-unlad (IDD), o sa pagsusulat ng mga programang habilitative at pagkuha/pagsusuri ng datos na programa, o apat o higit pang taon ng karanasan sa buhay sa pagtuturo at pagsuporta sa isang indibidwal na may IDD; O
  3. Magkaroon ng anumang kumbinasyon ng edukasyon at karanasan na tinukoy sa itaas na katumbas ng apat na taon o higit pa.
- G. Ang isang tagapagbigay ng Sinusuportahan na Pagtatrabaho - Pagsusubaybay ay hindi maaaring maging tagapag-empleyo ng kalahok na tumatanggap ng serbisyo.

## Mga Singil

- A. Ang mga singil para sa serbisyong Sinusuportahan na Pagtatrabaho - Pagsusubaybay ay itinatakda ng DHHS at maaaring magbago taon-taon.
- B. Ang Sinusuportahan na Pagtatrabaho - Pagsusubaybay ay binabayaran sa isang oras na yunit.
- C. Kapag ang serbisyo ay ibinibigay sa isang lugar ng trabaho kung saan ang mga taong walang kapansanan ay nagtatrabaho, ang bayad ay ginagawa lamang para sa mga adaptasyon at pagtuturo na kinakailangan ng kalahok dahil sa kanilang kapansanan.
  1. Hindi ito kasama ang bayad para sa mga aktibidad ng pangangasiwa na isinagawa bilang isang normal na bahagi ng palakad ng negosyo.
  2. Ang tagapag-empleyo ay nananatiling responsable para sa lahat ng karaniwan at pang-araw-araw na usapin sa trabaho.
- D. Hindi maaaring gamitin ang mga pondo ng waiver upang magbayad o madagdagan ang suweldo ng isang kalahok.
- E. Ang transportasyon na kinakailangan sa pagbibigay ng Sinusuportahan na Pagtatrabaho - Pagsusubaybay ay kasama na sa singil.
- F. Ang transportasyon papunta at mula sa lugar ng trabaho ay hindi kasama sa bayado.